

CONCELLO DE PONTEVEDRA

SERVICIO DE PROMOCION ECONOMICA

AP/ap

CONVENIO ADICIONAL Ó SUSCRITO COA COMPAÑÍA "R" O DIA 4 DE FEBREIRO DE 2000.

En Pontevedra, a vintenove de xuño de dous mil un.

REUNIDOS:

Dunha parte, D. Miguel Anxo Fernández Lores, Alcalde-Presidente do Excmo. Concello de Pontevedra, asistido polo Secretario do mesmo, D. Julio Dapena Outomuro, que dá fe do acto e,

D. _____ maior de idade con D.N.I. nº _____

INTERVEÑEN:

D. Miguel Anxo Fernández Lores, Alcalde-Presidente en nome e representación do Ilmo. CONCELLO DE PONTEVEDRA (en adiante o Concello), elixido polo Pleno da Corporación na sesión celebrada o día 3 de xullo de mil novecentos noventa e nove e en exercicio das atribucións que lle confiere o artigo 21 da Ley 7/85 de 2 de abril.

D. _____ en nome e representación da Compañía R CABLE y TELECOMUNICACIONES GALICIA, S.A. (en adiante R), C.I.F. nº A-15474281 e domicilio na Coruña, r/ Real 85, segundo escritura de apoderamiento outorgada ante o Notario de La Coruña, D. Francisco Ordoñez Arman, de data 1 de Agosto de 2000, co número 1.863 do seu protocolo.

Ambas as partes recoñécense mutuamente capacidade legal para obrigarse e,

MANIFESTAN:

1º- O día 4 de febreiro do ano dous mil asinaron un acordo no que se estableceron as condicións para a implantación da rede de telecomunicación por cabo así como a fórmula de pago dos tributos que se devenguen pola utilización e ocupación do dominio público local, como consecuencia da realización das infraestructuras necesarias para a prestación do servizo.

2º- Que no tempo transcurrido dende a suscripción do referido Convenio, puxéronse de manifesto unha serie de cuestións que é necesario solventar en orde a mellora-la calidade dos traballos que se están a realizar e diminuír a súa incidencia na circulación de persoas e vehículos, polo que acordan celebrar un convenio adicional, con arreglo as seguintes

ESTIPULACIONES:

Primeira.- A Compañía "R" reparará nas condicións fixadas po-los técnicos municipais as seguintes rúas: Castelao, Cruz Gallástegui, Blanco Porto, Cobián Areal e Loureiro Crespo.

Segunda.- A Empresa "R" comprométese a minimizar o tempo que permanecerán as gabias abertas, de tal xeito que, salvo condicións excepcionais, éste non será superior a 7 días nas zoas máis céntricas.

Terceira.- A entidade "R" constituirá un aval complementario -por valor de 40 millóns de pesetas- que complementará o actual de 10 millóns constituido en base o disposto na estipulación decimoterceira do convenio do 4 de febreiro do 2000, con destino a garantir a correcta reposición de pavimentos.

Cuarta.- Naqueles casos que se acometa a urbanización o reurbanización dalgunha rúa na cidade, na que a empresa "R" dispoña de cabos instalados nas fachadas dos inmobles, ésta comprométese a súa canalización subterránea e o recrecemento das arquetas, asumindo os costes derivados da realización destes traballos.

Quinta.- O Concello de Pontevedra comprométese pola súa parte, a seguir facilitando, tal e como ven a facer, a aceleración dos traballos de instalación da rede de "R", colaborando na colocación das cabinas, equipamento de intemperie, cableado, etc., a fin de poder cumprir os prazos de execución fixados no convenio asinado.

Sexta.- O Concello de Pontevedra comprométese a convocar un concurso, no tempo máis corto posible, para a contratación das comunicacións telefónicas das dependencias do Concello, no que poderá participar xunto con outras empresas a compañía "R".

En proba de conformidade, asinase o presente por triplicado exemplar no lugar e data o principio sinalados.


Asdo. Miguel A. Fernández Lores

POLA COMPAÑÍA "R"



O SECRETARIO XERAL DO
CONCELLO DE PONTEVEDRA,

Asdo. / Julio Dapena Outomuro